



პროექტი ზრდა საქართველოში
ZRDA ACTIVITY IN GEORGIA

PRESS RELEASE

გავრცელდეს დაუყოვნებლივ
16 თებერვალი, 2018
დამატებითი ინფორმაციისთვის:
USAID Zrda: ქეთი რეხვიაშვილი,
+995 32 222 74 95/ krekhiashvili@zrda.ge

ქართული აგრო სახლი და USAID ზრდა საქართველოში ეკონომიკური ინიციატივების მხარდასაჭერად

საქართველო, გარდაბანი - 2018 წლის 16 თებერვალს, USAID-ის პროექტის „ზრდა საქართველოში“ ხელმძღვანელმა ბრაიან კინგმა და კომპანია „ქართული აგრო სახლი“-ს აღმასრულებელმა დირექტორმა გურამ კაკუშაძემ ხელი მოაწერეს ურთიერთგაგების მემორანდუმს თანამშრომლობის შესახებ. მემორანდუმის თანახმად, მხარეები გამოხატავენ საერთო ნებას, მხარი დაუჭირონ USAID ზრდა პროექტის ბენეფიციარ ფერმერებს „ქართული აგრო სახლის“ მიწოდების ჯაჭვში მონაწილეობის პროცესში და ხელი შეუწყონ „ზრდა“-ს სამიზნე 17 მუნიციპალიტეტში მაღალი ხარისხის ხილისა და ბოსტნეულის ბაზრის შექმნას.

მემორანდუმის გაფორმებით, „ზრდა“ და „ქართული აგრო სახლი“ თანხმდებიან, რომ ითანამშრომლებენ ზრდას ბენეფიციარი როგორც ცალკეული ფერმერების, ისე კოოპერატივების მხარდასაჭერად. თანამშრომლობის მიზანია ბოსტნეულის ნაწარმის მოცულობისა და ხარისხის გაუმჯობესება და ახალ, ძვირადღირებულ ბაზრებთან წვდომის ხელშეწყობა. კერძოდ, პარტნიორობა წახალისებს ბოსტნეულის წარმოებაში თანამედროვე ტექნოლოგიებისა და ცოდნის დანერგვას, დაეხმარება ფერმერებს როგორც მაღალი ხარისხის სათესლე მასალის მოპოვებაში, ისევე უფრო ძვირადღირებულ საშინაო და საგარეო ბაზრებთან წვდომაში. ეს ერთობლივი მხარდაჭერა ვრცელდება მხოლოდ ზრდა-ს სამიზნე 81 თემის ბენეფიციარებსა და პროექტის სამიზნე სექტორებზე, კერძოდ მემორანდუმით გათვალისწინებულ სათბურებსა და ღია გრუნტზე მოყვანილ ბოსტნეულზე.

თანამშრომლობის ფარგლებში, USAID „ზრდა“ და „ქართული აგრო სახლი“ უზრუნველყოფენ ოჯახურ მეურნეობებში სასოფლო-სამეურნეო საქონლის და შემოსავლის ზრდას, შემოსავლის წყაროების დივერსიფიცირებას, დასაქმების შესაძლებლობების გაზრდას და სამიზნე თემების გაძლიერებას.

შპს „ქართული აგრო სახლი“ შეიქმნა 2016 წელს. კომპანია ჩართულია სასოფლო-სამეურნეო ნაწარმის შეფუთვაში, გავრცელებაში და ექსპორტში. მისამართი: დემეტრე თავდადებულის № 29 (საქართველო, თბილისი, 0131) „ქართული აგრო სახლი“ ქართულ ბაზარზე დაფუძნდა ადგილობრივ და საერთაშორისო ბაზრებზე ბოსტნეულის ფართო-მასშტაბიანი გაყიდვების საშუალებით. კომპანიის სხვადასხვა სექტორში - ადმინისტრაცია, წარმოება, გავრცელება და მარკეტინგი - დასაქმებულია 30-ზე მეტი თანამშრომელი. კომპანია ეხმარება ადგილობრივ ფერმერებს ნაწარმის რეალიზაციაში.

USAID-ის საქმიანობის შესახებ საქართველოში: უკანასკნელი 25 წლის განმავლობაში ამერიკელმა ხალხმა USAID-ის საშუალებით 1.5 მილიარდ აშშ დოლარზე მეტი თანხის ინვესტიცია განახორციელა საქართველოში. პროექტები, რომელთა მიზანია დახმარება გაუწიოს საქართველოს თავისუფალი და განვითარებული დემოკრატიის მშენებლობაში, მოიცავს შემდეგ მიმართულებებს: ეკონომიკური ზრდის ხელშეწყობა, დემოკრატიული ინსტიტუტების განვითარება და ჯანდაცვისა და განათლების სისტემების გაუმჯობესება. USAID-ი ეკონომიკურ და ჰუმანიტარულ დახმარებას უწევს 100-ზე მეტ ქვეყანას. დამატებითი ინფორმაციისათვის ეწვიეთ: <https://www.usaid.gov/georgia>



პროექტი ზრდა საქართველოში
ZRDA ACTIVITY IN GEORGIA

USAID-ის მიერ დაფინანსებული პროექტი ზრდა არის ხუთწლიანი პროგრამა, რომელიც მიზნად ისახავს მდგრადი ეკონომიკური განვითარების ხელშეწყობას საქართველოს ხუთი რეგიონის 81 თემში. ზემოაღნიშნულის მისაღწევად, პროექტი განახორციელებს შემდეგ ინიციატივებს: მიკრო, მცირე და საშუალო საწარმოების განვითარება; სოფლის მეურნეობის შემოსავლების ზრდის ხელშეწყობა; მეწარმეებსა და მყიდველებს შორის საბაზრო ურთიერთობების ჩამოყალიბება და ადგილობრივი ეკონომიკური განვითარების ხელშეწყობა ბიზნესკავშირების დამყარებისა და გაძლიერების მეშვეობით. პროექტის განხორციელების შედეგად სამიზნე თემებში შეიქმნება 2,400-ზე მეტი სამუშაო ადგილი, 13,200 ოჯახს გაეზრდება შემოსავალი და მნიშვნელოვნად გაუმჯობესდება ადგილობრივი მოსახლეობის ეკონომიკური მდგომარეობა. პროექტი მოიცავს ადმინისტრაციული საზღვრისპირა და ეთნიკური უმცირესობებით დასახლებული თემებს. დამატებითი ინფორმაციისათვის ეწვიეთ: www.zrda.ge